



REPUBLIKA E SHQIPËRISË
MINISTRIA E ARSIMIT
DHE SPORTIT
QENDRA E SHËRBIMEVE ARSIMORE

PROVIMI I MATURËS SHTETËRORE 2024
ME ZGJEDHJE – SESIONI I
SKEMA E VLERËSIMIT

Lënda: Gjeografi

VARIANTI B

Pyetjet me alternativa

Pyetja	1	2	3	4	5	6	7	8	9	10
Përgjigja e saktë	D	D	C	B	C	B	D	A	A	A
Pyetja	11	12	13	14	15	16	17	18	19	20
Përgjigja e saktë	D	D	C	A	C	A	C	B	D	A

Pyetjet me zhvillim

Shënim: Për pyetjet me zhvillim, nxënësi fiton pikët, edhe nëse jep përgjigje të tjera që nuk janë parashikuar në skemë, por që komisioni i quan të sakta.

Pyetja 21 3 pikë

Model përgjigjeje

- Ndryshim: Liqenet tektonike formohen nga mbushja me ujë e fundosjeve tektonike, ndërsa ato karstike nga mbushja me ujë e gropave karstike.
- Ndryshim: Liqenet tektonike janë liqene shumë të mëdhenj, ndërsa ato karstike janë të vegjël.
- Ndryshim: Liqenet tektonike janë liqene shumë të thellë, ndërsa ato karstike janë të cekët.
- Ndryshim: Liqenet tektonike kanë brigje të larta, gati vijëdrejta, pak të thyera, ndërsa ato karstike dallohen për formën rrethore dhe lakueshmëri të madhe të vijës bregliqenore.
- Etj

3 pikë Nëse identifikon tre ndryshimet midis tyre.

2 pikë Nëse identifikon dy nga ndryshimet midis tyre.

1 pikë Nëse identifikon një nga ndryshimet midis tyre.

0 pikë Nëse përgjigjet gabim **OSE** nuk përgjigjet fare.

Pyetja 22 3 pikë

Model përgjigjeje

- Rritja e lartësisë së relievit shoqërohet me uljen e temperaturës.
- Rritja e lartësisë së relievit shoqërohet me rritje të sasisë së reshjeve; shtohet intensiteti i vranësirave.
- Ndryshon drejtimi dhe shpejtësia e erës.
- Lartësia dhe copëtimi i madh kushtëzojnë ndryshime të dukshme klimatike ndërmjet zonave apo krahinave.
- Krijohen mikroklima.
- Etj.

3 pikë	Nëse evidenton tre nga ndikimet e relievit në klimë.
2 pikë	Nëse evidenton dy nga ndikimet e relievit në klimë.
1 pikë	Nëse evidenton një nga ndikimet e relievit në klimë.
0 pikë	Nëse përgjigjet gabim OSE nuk përgjigjet fare.

Pyetja 23

Model përgjigjeje

a) 1 pikë

- Figura 2

1 pikë Nëse tregon saktë qendrën barike me trysni atmosferike të ulët.

0 pikë Nëse përgjigjet gabim **OSE** nuk përgjigjet fare.

b) 2 pikë

- Trysnia atmosferike rritet nga qendra në drejtim të periferisë;
- Ajri lëviz nga periferia drejt qendrës;
- Ajri kryen lëvizje ngjitëse;
- Ajri zhvendoset nga poshtë-lart;
- Sjell mot me reshje;
- Etj

2 pikë Nëse shkruan dy nga tiparet e qendrës barike.

1 pikë Nëse shkruan një nga tiparet e qendrës barike.

0 pikë Nëse përgjigjet gabim **OSE** nuk përgjigjet fare.

Pyetja 24

Model përgjigjeje

a) 1 pikë

- Hartë topografike

1 pikë Nëse gjen saktë llojin e hartës.

0 pikë Nëse përgjigjet gabim **OSE** nuk përgjigjet fare.

b) 1 pikë

- Relievin

1 pikë Nëse gjen elementin e sipërfaqes së tokës që paraqet harta e dhënë.

0 pikë Nëse përgjigjet gabim **OSE** nuk përgjigjet fare.

c) 1 pikë

- 1440m

1 pikë Nëse gjen saktë vlerën e izolinjës (izohipsit) në pikën I.

0 pikë Nëse përgjigjet gabim **OSE** nuk përgjigjet fare.

Pyetja 25

Model përgjigjeje

a) 2 pikë

Tjetërsimi fizik për shkak të ngricave ndodh kur temperaturat janë rreth 00C, kur shkëmbinjtë janë të çarë e të plasaritur dhe kur këto të çara e të plasaritura mbushen me ujë. Kur temperatura ulet nën 00C, uji në të çarat e shkëmbit ngrin. Akulli i formuar duke rritur vëllimin ushtron trysni mbi të çarat e shkëmbinjve. Shkëmbinjtë shkatërrohen, copëtohen dhe thërrmohen.

2 pikë Nëse shpjegon saktë se si ndodh tjetërsimi fizik për shkak të ngricave.

1 pikë Nëse shpjegon pjesërisht se si ndodh tjetërsimi fizik për shkak të ngricave.

0 pikë Nëse përgjigjet gabim **OSE** nuk përgjigjet fare.

b) 1 pikë

- Ky lloj tjetërsimi mbizotëron më tepër në zonat e ftohta.

1 pikë Nëse gjen saktë zonat ku mbizotëron më tepër ky lloj tjetërsimi.

0 pikë Nëse përgjigjet gabim **OSE** nuk përgjigjet fare.

Pyetja 26 3 pikë

Model përgjigjeje

- *Gjerësia gjeografike.* Në gjerësi të mëdha gjeografike klima është më e ashpër sesa në gjerësi më të vogla gjeografike. Me shtrirje kryesisht në gjerësitë mesatare Evropa dallohet përgjithësisht për një klimë të butë.
- *Pozita gjeografike.* Dalja e gjerë në Oqeanin Atlantik ka bërë që klima të ketë tipare oqeanike në Evropën Perëndimore dhe Veriperëndimore ndërsa në jug Deti Mesdhe i jep karakter mesdhetar klimës subtropikale të Evropës.
- *Masat ajrore dhe rrymat detare.* Në varësi të specifikave të tyre, masat ajrore dhe rrymat oqeanike e bëjnë klimën më të ngrohtë ose më të ftohtë. Masat ajrore që fryjnë nga pjesa veriore dhe lindore drejt Evropës janë të thata dhe të ftohta ndërsa ato që vijnë nga Atlantiku janë përgjithësisht të ngrohta dhe me lagështirë.
- *Copëtimi i theksuar i vijës bregdetare.* Ky copëtim i jep klimës tipare detare.
- Etj.

3 pikë Nëse shpjegon tre nga faktorët.

2 pikë Nëse shpjegon dy nga faktorët.

1 pikë Nëse shpjegon një nga faktorët.

0 pikë Nëse përgjigjet gabim **OSE** nuk përgjigjet fare.

Pyetja 27

Model përgjigjeje

a) 2 pikë

- Shkëmbinj magmatikë intruziv të cilët formohen kur magma mbetet në brendësi të kores tokësore dhe ngurtësohet në thellësi. Ngurtësimi i saj bëhet ngadalë në temperatura të larta.
- Shkëmbinj magmatikë efuziv të cilët formohen kur magma ngurtësohet pasi del në sipërfaqe. Ngurtësimi i llavës bëhet më shpejt dhe në temperatura më të ulta.

2 pikë Nëse shpjegon dy llojet e shkëmbinjve magmatikë në varësi të vendit të ngurtësimit të magmës.

1 pikë Nëse shpjegon një nga llojet e shkëmbinjve magmatikë në varësi të vendit të ngurtësimit të magmës.

0 pikë Nëse përgjigjet gabim **OSE** nuk përgjigjet fare.

b) 1 pikë

- shkëmbinj magmatikë acidë,
OSE
- shkëmbinj magmatikë mesatarë,
OSE
- shkëmbinj magmatikë bazikë,
OSE
- shkëmbinj magmatikë ultrabazikë.

1 pikë Nëse emërton një prej tyre.

0 pikë Nëse përgjigjet gabim **OSE** nuk përgjigjet fare.

Pyetja 28

Model përgjigjeje

a) 1 pikë

- Ka një vijë bregdetare shumë të thyer, duke formuar fjarde.

1 pikë Nëse evidenton karakteristikën dalluese të vijës bregdetare të Evropës Veriore.

0 pikë Nëse përgjigjet gabim **OSE** nuk përgjigjet fare.

- b) **1 pikë**
- Hidrografia është shumë e pasur. Ajo dallohet për lumenj të shkurtër me ujë të bollshëm dhe për numrin e madh të liqeneve akullnajore.

1 pikë Nëse paraqet saktë tiparet e hidrografisë së Evropës Veriore.
0 pikë Nëse përgjigjet gabim **OSE** nuk përgjigjet fare.

- c) **1 pikë**

- Ka male të vjetra, Skandinave.
- Pjesa jugore e gadishullit Skandinav ka reliev fushor.
- Në Finlandë gjendet një ultësirë me lartësi 200-300m.
- Gadishulli i Jutlandës dallohet për relievin fushor e tërësisht të sheshtë.
- Një pjesë e territorit është nën nivelin e detit.
- Islanda ka reliev kryesisht malor.
- Etj.

1 pikë Nëse jep një nga karakteristikat e relievit të Evropës Veriore.
0 pikë Nëse përgjigjet gabim **OSE** nuk përgjigjet fare.

Pyetja 29 **3 pikë**
Model përgjigjeje

- Qytetërimi maja – Amerikë Qendrore (Meksikë).
- Qytetërimi actek – Amerikë Qendrore (Meksikë).
- Qytetërimi inkas – Amerikë Jugore (Peru).

3 pikë Nëse përcakton tre nga qytetërimet e hershme duke specifikuar edhe vendndodhjen e tyre.
2 pikë Nëse përcakton dy nga qytetërimet e hershme duke specifikuar edhe vendndodhjen e tyre.
1 pikë Nëse përcakton një nga qytetërimet e hershme duke specifikuar edhe vendndodhjen e tyre.
0 pikë Nëse përgjigjet gabim **OSE** nuk përgjigjet fare.

Pyetja 30

Model përgjigjeje

- a) **1 pikë**

- Emetimi i gazeve serrë nga makinat,
- industrinë,
- shpyllëzimet,
- djegia e lëndëve fosile,
- Etj.

1 pikë Nëse identifikon një nga shkaqet e ndryshimeve klimatike.
0 pikë Nëse përgjigjet gabim **OSE** nuk përgjigjet fare.

- b) **3 pikë**

Natyrore:

- Rritja e temperaturës,
- Krijimi i thatësirave,
- Stuhitë e shumta,
- Përmytjet,
- Rritja e temperaturës së oqeanëve,
- Shkrija e akullnajave,
- Rritja e nivelit të detit.
- Ishuj dhe qytete që humbasin.

Ekonomike:

- Dëmtim i tokave bujqësore,
- Probleme në sigurimin e ushqimeve,
- Pakësimi i lëndëve djegëse fosile.
- Etj.

Sociale:

- Ndryshimi i cilësisë së jetës së njerëzve,
- Përkeqësim i shëndetit të njerëzve,
- Emigrimet mjedisore,
- Luftërat mjedisore,
- Etj.

- 3 pikë** Nëse përcakton një nga pasojat e ndryshimeve klimatike për të tre aspektet.
2 pikë Nëse përcakton një nga pasojat e ndryshimeve klimatike për dy nga tre aspektet.
1 pikë Nëse përcakton një nga pasojat e ndryshimeve klimatike për një nga tre aspektet.
0 pikë Nëse përgjigjet gabim **OSE** nuk përgjigjet fare.

Pyetja 31

Model përgjigjeje

a) 1 pikë

- Regjistrimi i vitit 2011, evidentoi që për herë të parë në Shqipëri shumica e popullsisë banonte në qytet; Raporti ndryshoi duke evidentuar përqindje më të lartë të popullsisë banuese në qytet kundrejt popullsinë banuese në fshat; Për herë të parë ndryshoi në strukturën e popullsisë sipas vendbanimit raporti i popullsisë urbane me popullsisë rurale në favor të popullsisë urbane.

1 pikë Nëse evidenton saktë ndryshimin që solli në strukturën e popullsisë sipas vendbanimit regjistrimi i vitit 2011.

0 pikë Nëse përgjigjet gabim **OSE** nuk përgjigjet fare.

b) 2 pikë

- Lëvizja e lirë e popullsisë pas ndryshimeve të vitit 1990;
- mundësi më të mira punësimi në zonat urbane;
- mundësi më të mira arsimimi në zonat urbane;
- ofrimi i shërbimeve më cilësore në zonat urbane;
- mungesa e shërbimeve dhe kushtet jo të përshtatshme për jetesë në zonat rurale;
- Etj.

2 pikë Nëse shkruan dy nga faktorët që kanë ndikuar në këtë ndryshim.

1 pikë Nëse shkruan një nga faktorët që kanë ndikuar në këtë ndryshim.

0 pikë Nëse përgjigjet gabim **OSE** nuk përgjigjet fare.

Pyetja 32

Model përgjigjeje

a) 1 pikë

- Rajoni Jugor ka ndërtim më të thjeshtë gjeologjik ku mbizotërojnë kryesisht gëlqerorët dhe terrigjenët.

1 pikë Nëse dallon ndërtimin gjeologjik të këtij rajoni.

0 pikë Nëse përgjigjet gabim **OSE** nuk përgjigjet fare.

b) 1 pikë

- Fushëgropa e Delvinës.

1 pikë Nëse gjen njësinë fiziko-gjeografike.

0 pikë Nëse përgjigjet gabim **OSE** nuk përgjigjet fare

c) **1 pikë**

- Mbizotëron drejtimi veriperëndim-juglindje.

1 pikë Nëse përcakton drejtimin mbizotërues të relievit në këtë rajon.

0 pikë Nëse përgjigjet gabim **OSE** nuk përgjigjet fare.

Pyetja 33

Model përgjigjeje

a) **1 pikë**

- Pjesa më e madhe e shteteve të këtij rajoni dallohet për shkallë të lartë urbanizimi si p.sh.Tajvani, Japonia, Koreja e Jugut, Kina.

1 pikë Nëse evidenton një veçori të urbanizimit të rajonit.

0 pikë Nëse përgjigjet gabim **OSE** nuk përgjigjet fare.

b) **2 pikë**

- *Ndryshimi:* Koreja e Jugut dallohet për një shkallë të lartë urbanizimi, ndërsa Koreja e Veriut për një shkallë të ulët urbanizimi.
- *Argumenti:* Ky ndryshim lidhet me sistemet e ndryshme politike midis këtyre dy vendeve.

2 pikë Nëse identifikon një ndryshim në drejtim të urbanizimit midis Koresë së Veriut dhe Koresë së Jugut përmes një argumenti që mbështet përgjigjen.

1 pikë Nëse identifikon një ndryshim në drejtim të urbanizimit midis Koresë së Veriut dhe Koresë së Jugut pa argumentuar përgjigjen.

0 pikë Nëse përgjigjet gabim **OSE** nuk përgjigjet fare.
